

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Christian Tangkou

ဗုဒ္ဓကမ္ဘာတစ်ဝှမ်း တစ်ဆယ့်ခုနစ်

Vol. 58 || No. 12

December, 2022



Editor: Rev. Khamchinkhai

Synod Kumpuon:

KEMTU GIN-UM

[I Korin 4:2]

Khristian Tangkou

Vol. No. 58 || Issue No. 12 || December, 2022

A sung thu

Editorial Board

Editor : Rev. Khamchinkhai - 8730933744
 Joint Editor : Rev. Dr. Hangpi Maunlun - 9862910875
 Cir. Manager : Upa Jamsianmung - 9862086615
 Bus. Manager: Upa Kamgenpau - 8974612937
 Ms. Niangkhanmang - 8787560139
 Nh. Tracy Niangsuannuam- 8731863384
 Nh. Suanneiching - 8787790520

Cont. Editors : Rev. Awkhankhup - 9383114081
 Rev. Zamlianpau - 7629978067
 Rev. Lamsuanthang - 7005723755
 Upa Khupsuankham - 8974119307
 Upa Khaiminlian - 9612479417
 Upa Thangzasuan

ZOU SYNOD ULIENTE

- **Moderator:**
Rev. Thangboi Khuongsai
- **Moderator Elect:**
Rev. P. Ginzalal Zou
- **Secretary (Sr):**
Upa Siendeithang
- **Secretary (Jr):**
Upa Ginsuankhai
- **Treasurer:**
Upa Thangchinpau
- **Statistician:**
Upa T. Lianminthang
- **Executive Secretaries:**
Rev. Khamchinkhai
Rev. Dr. Hangpi Manlun

- Editorial..... 01
- Thu tuomtuom & Thumpi ding 04
- Ngaidamna..... 05
- Khristmas manphatna..... 07
- Lemna Kumpipa 11
- Football apat 13
- Leng Jesu nasemtu ka hi17
- Hundampa hing piengta..... 18
- Suunna..... 21
- ZPYF Column 22
- ZPWF Column 23

Copies - 1200

AMAN

Kumkhat ah - ₹ 100.00
 Post ah - ₹ 200.00
 Copy khat ah - ₹ 10.00
 Life Member Fee - ₹ 1,000.00
 Patron Member Fee - ₹ 2,000.00
 Memorial gift - ₹ 2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



“PASIAN GAM NASEPNA ANNTANGHAM”

(I Chro. 29:14 & Luk. 6:38)

Rev. Dr. Hangpi Manlun
Joint Editor

Thumapui

Hattuum a Numeite a ding a Pasion gam naseptheina hoitah khat khu tam anntangham ahi. Tam nasepna khu tuni tan in Pasion in zong nasatah in a guolzawl a, tuni chieng in hattuumte sumnah hoitah ahing hita hi.

1). Anntangham ang kipat dan: Gendan leh ngaidan tuomtuom a um diing a, ahin, ei Presbyterian Hattuum a ahing kipat dan i gen ding uhi. Khasi gam a meithai gentheitah mai khat khun hattuum ah thawlawm pieh ding anei sih a, alungsim a suna mama hi. Mite’n hattuum a sum-le-paite apieh lai un, bangchiin ke’n zong ka bawl diei chiin ang kingaituo hi. Tuachiin, a annhuom chinteng in anntang sip khat zel a khol a, kal khat zou chieng in tutate khu bazar ah a zua a, a sumte khu Biehinn ah ang toita hi. A bawldan khu Hattuum midang te’n zong ang theitah un ang zuita uhi.

Tuachiin, Khasi gam ah ang minthangta a, tua zou in Mizoram ah zong ang kizui touta hi. Mallam Presbyterian Hattuum khun 1913-1914 in t am anntangham apat in Rs. 80/- amu uhi. Tualeh, Pi Teii (Mrs. G.R. Robert) in zong nasatah in ma ana pui hi. Tuachiin Simlam ah zong ang kithang tou jel jel a, kum 1919 ah Presbytery khun, “Anntangham apat in Sawltah Chawm hiheh” ang chitheita uhi. Tuabang jel in Mizoram leh Manipur a, numeite sum muna hoitah leh buldettah ang suohta hi. I gensa bang un missionary zite’n abul ana patpi ua, ang gasuo hoi mama hi.

Tualeh, Canada gam ah Rev. Vanlalngaka in thu a genna ah tam anntangham thu agenleh pasal khat (Truck Driver) lung a khoi mama a, tuachiin, sum dollar 5,000/- ei India sum 235000 vel khu anntangham a pomsah diing in apie hi akichi hi. Tualeh, sapte'n zong 'Rice Bowl' sum koina bawm ah aneh tang uh sum a koi zing uhi.

2). Anntangham nasepna a loupina leh lamdanna bihte: Mundang adieh in kolgam ah 'Atta' leh adangdang a neh zieh un hoitah in abawlzom theisih uhi. Ahin, ei gam ah khun azawng, ahau in bu ineh zieh un i bawl zing thei uhi. Tualeh, tam khu kalsuon zouloute leh hatloute a diing a zong Pasion gam naseptheina umsun leh hoitah ahizieh in a loupina mama hi.

3). Anntangham bel/Chin khu innsung ua Mangpa satan umsun zong ahi: I innsung uh khu eima neisa leh lamsa in a pumdim hi. Tam anntangham bawm ing koi chieng in Mangpa satan i innsung uah a um china ahi. Innkuon chinteng in ginumtah a i pieh chieng in ga loupitah ahing suo diing a, Meithainu'n atate toh a neh diing Pasion mipi Jawlnei a neh sah ngam chieng in atangbuong koina leh a sathau bawm kum thum sung a beitheilou bang khop guolzawlina i tang diing uhi.

Tualeh, Numeite'n i annhuon chinteng ua, gin-umtah a anntangham i ham chieng in niteng a Mangpa toh ann ne khawm zingte ihi uh china ahi. Tualeh, anntangham ham tamte khu kiem sangin apunlaw ua, a kiching zingleng uhi.

4). Amang/sum lou Pasion gam nasepna ahi: David khun, "Bangma senglou in Mangpa i Pasion kung ah halmang sillatte kape sih diing "A chi hi (II Chro. 24:24). Eite'n zong kiemlou a, lawhtahmai a, Pasion gam na i septhei uh khu anntangham ahi.

5). Ma i sawn tou jeljel uhi: Achil in zietlang amaw, veilang hamte ahi giap hi. Tu in abih in numeite kiphalna ziehin, zietlang hamte, veilang hamte, Missionaryte leh Jesu zintunna chite i hamtouta uhi. Akehnte ngel in a innkuon uh toh kituohja ham pawl zong a um ua, kumtawp chieng in mawn sawm val bang a hamkhie thei uhi.

Ahin, Hattuumte'n nasatah a panlah tou khu i kul un i poimaw uhi. A etton huoi mama khat ahileh, Unau Biateram Synod te'n 2004 a i Synod Khawmpi ua ang report dungzui in Sawm-a-khat ah Lakh sagi

(7lakh)- vel amu lai un, Anntangham ah Lakh nga (5lakh)-amu thei uhi. Bangzata a ettontah ahita uoi.

Eilam ah gen kia lei, Pasian jal in synod in a crore tel i mulaiun anntangham duthusam bangin kihatzou lou chithei ahi. tualeh, unau synod dangten adiehin anntanghamte khu synod sum-le-pai kengding khat uah ngaiin income tamtah zong amu uhi. eiten ahileh numeite kihawmin phattuomtahn imangthei uhi. tuaziehin, pan i lah tha uh hing hoi ding hi.

6). Tulai local tamtah ah i anntanghamte kikhong zou mawhlou chi thu zah ahi. Covid-19, hing um a kipatin i gam government un theitop in anntang bang hing hawm in nidang sangin anntangte khu kimantah bazar lah ah muthei ding in ang umta hi. tualeh, i local ua anntangham kikhongzou lou chite bang i gam buoina ang hiita hi. tamte a kipat ngaidan hing umthei ahileh mi khen khatten anntang ham i koi chieng un i nehpen kikoi hileh kilawm hi. a tawm atam khu eibawlthei ahisah a, eima nehpen khu tawmin tamta leh ipieh ding dan uh ahi. mi khen khatten anntang a huon ding chieng un, a innkuon ua min in aham ua, tualeh mangpa jesu tawh nekhawm ding chin ahamkia ua, tualeh mangpa jesun a lawmpa khat hing puita leh chintan hagau in ala un a ham leng uhi. abang teng hileh zong eima nehpen ma koichietin tualeh bazar rate sang a tamzaw lou in zuah lei khawhla um seng ding in a gintat um seng sih hi.

Pasian kung a silpieh ipiehchieng au sum sia (ahoilou)- i pieh utlou bangun anntangham i piehchieng eima nehpen ma pechiet lei ibuoinate uh hing veng mai ding in ka gingta hi. mangpan simtute hingguolzawl chietta hen aw.



Thy tuomtuom leh Thympi dingte



1. Pasion mapuina toh Piching leh Naupang Sunday School Laivuonna (Examination) 2022 i zou theita ua, Dawnna (Answer Paper te) et zou ahitah toh kituoh in Certificate Khochin Hattuum lamkaiten Office ah lah theita chi thu i kizasah uhi.
2. Synod Year Calendar 2022 dungzui in tu Zou Presbyterian Church Synod A 19veina Khawmpi Vaihawmna i zou theita ua, Pasion kung ah kipah thu i gen uhi. Khawmpi mang a hing peikhawmte tambang a chiemte ahi:

Khawmpi palai minkhum zat	-	319
Manipur Gam Presbytery (MGP)	-	162
Manipur Eastern Presbytery (MEP)	-	46
Zoutang Presbytery (ZTP)	-	60
Outside State & Mission Fields	-	15
Fraternal delegate	-	23
Jin giehlut zat	-	50

SILPIEH (SAWMAKHAT) A HATPENTE

	Pasal Pawl	Khuo		Pieh zat
1st.	Pu Kapminlien	Tuibuong	Rs.	6,50,950
2nd.	Pu S Chinsienlal	Delhi	Rs.	4,65,800
3rd.	Pu Ginsuanhau	Imphal	Rs.	4,18,850
	Numei Pawl	Khuo		Pieh zat
1st.	Upanu Mandeiching	Central Church	Rs.	1,74,163
2nd.	Nu Niingneichiin	Delhi	Rs.	1,28,030
3rd.	Nu Muonching	Bengaluru	Rs.	1,13,400

3. Constitution of the Presbyterian Church of India (India Gam Presbyterian Hattuum Danbu) PCI in Amendment (Et tha) Office ah a deiten bu khat ah Rs. 50/- a lei thei ding hi.

NGAIDAMNA

Upa Khupsuankham

Thumapui: Ngaidamna khu heisung munte ah apoimaw ei chi entalei, mimal kaal, Nupa kikaal, Innsung, khosung, Hattuum sung, Nam sung leh khotaang hinkhuo ah apoimaw a, tam ngaidamna khu i Pasian in adeipen te lah a khat ahia, tamlou in houlim ulei uthuoi isa uhi.

Peter leh Jesu kidohna pansan in houlim talei Mangpa kungah Peter in, Mangpa vaw ka unau in ka tungah khiel ngitnget ta leh bangzavei ka ngaidam diei? Sagi vei i? chi'n a dong hi. Jesu'n akung ah hilou sagi vei ka chi khop sih a, sagi vei mun sawm sagi vei ka chi ahi hi. Aziehpén Vangam zong tambang ang hi ding; Khatvei kumpipa asuohte sum kep a entup a a suohte lah a khat in taten tulsawm a baa a, a suohpa'n lah tuazapi pieh ding anei sih a, kumpipa'n lah ama toh a jitawh a tate teng atoh a nei zousie zua a aleiba asan dingin thu a pie hi. Tuabep in a suohpa apupa masang ah bohkhup in, Pu aw, "Ka tung ah zangai in, ka bat zousie hing sang sieng navang" achi hi. Tuabep in kumpipa'n khosah asahpi a, a leibaa zousie a ngaidam ta hi. Tuachi'n a suohpa khu kipah sengseng in a inn a apei leh lampi ah ama sum zakhat baapa toh akituoh a, a tawlpeng ah man in, ka sum na bat eipe naw in achia, a suoh hipipa in amasang a khupboh in "ka tungah zangai

in, hingsang navang achi hi". Hinanleh aut vawt sih a, abat teng asan sieng masanga din dingin suongkul ah akhumta hi. Suoh dangte'n sil umdan amu tah un chizathuoi sa in, Kumpipa kunga theisahna (report) abawl uleh, Kumpipa'n ahan a, "Nang suoh phattuom lou na nget ngetngut zieh a na bat zousie hing ngaidam ing a, kang lungsiet mabang in na suoh hipipa lungsiet lachin hoi ding hia, chi'n alungthah sengseng a abat zousie a ditsieng masang a dingin migiloute khut ah suongkul sung ah apekheta hi.

Mangpa Jesu'n, nou zousien na unaupa khat uh na ngaidam sih ua ahileh ka pa van a mi hing bawl dan ding khu tuabang ahi achi hi (Mt. 18:21-35).

Jesu amatlai un, dan botsie pasal ni zong tha dingin Jesu toh apuikhawm ua, "Lugu Mun" kichi ang tun tah un Jesu akhai ua, dan botsie mi nitegel zong khat a zietlang, khat aveilang ah akhai ta uhi. Khumin, Jesu'n "Pa aw,

amauh ngaidam in! a silbawl uh a theisiem lou zieh uh ahi!” achi hi (Luk 23:34). Tuaziehin, mikhielte leh amimaw te khu Mangpa kungah ngaidam ingetsah uh imawpuohna uh ahi Nasepte 7:54-60 na i etleh, Stephen in Van lam a ettou leh Pasion loupina leh Jesu Pasion zietlang a ding amu hi, khum in, aman, “En un Van kihong kamu a, tuanah mihing tapa Pasion zietlang a ding kamu hi” chia, aw thupitah a akikou leh vaihawmna a pang zousien ngainuomlou in abilte uh hum in, thakhat in Stephen a del ua, khopam lam senan a nei ua, suong in asep valum ua, tualai tah in Mangpa kung ah kikou, “Mangpa Jesu aw, ka hagau na sang in, achi hi. Khumbep in khupdin in, aw ngaitah a kikou in, Mangpa tam atakhielna uh amau tatkhielna in simpieh sin!” achia, ashita hi.

I Pu uh Mahatma Gandhi in ngaidamna khu bang chin a gen ei? chileh, “Phubalahna ding a hoipen ahi, ana chi hi. Tapidaw lou Gandhi in tambang a a chi thei leh ei tapidaw te’n ichi thei ua,

ikingnaidam tuoh chiet ding uh hilou i?

Rev. Ginchinjam a damlai in a thugenna khat ah “Ngaidamna” hau photphot ulei, ana chi khu bang agenna ahei ichi leh ngaidan in bangkim a bawlthei achina ahi. Ahileh, Ngaidam theiloute bang chi bang mite adiei ichi leh “Kipahna neiloute”, china ahia, “Migentheite” china zong ahia, Pasion toh ‘kichimat loute’ china zong ahi hi. Mangpa Jesu’n ngaidamna ana chi pen in a tup leh a dawu khu Pasion toh i kaal, u-le-nau toh ikaal, mimal leh khotang hinkhuo a hoina, dihtatna leh itna ‘suhlatna’ khu ahi ngaidam a um pa/nu leh a ngaidam pa/nu a dinga kisiem phatna ahi. Tuaziehin, innsung ah, Hattuom sungah, khosung ah, inam sung a kituohna kilemna a umtheina dingin i dihna zong keimawna ahi chi thei chiet ulei kilemna leh ki it tuohna ang um ding a, tuami khu kingaidamna GA ahia, kisiemphatna ang hi ding hi.

Mangpa’n simtute zousie hing guoljawlta hen.

*Merry Christmas 2022
and
Happy New Year 2023*

KHRISTMAS MANPHATNA

(Luk) 2:10-14)

Rev. Awnkhankhup

Cont. Editor

Thumapui

Hun leh kumte hing kihei lamdang tou zel in, kum peisate sang in hun nuomzaw leh thawveng zaw i tang touzel ua, kum 2022 Khristmas mel mu thei ding bang a ikingaituo thei tah zieh un tam tan hing pui tung i Pasian min phat in a kung ah nuom thu igen masa uhi. Tutung in Khristmas manphat dan ngaituo khawm tha lei chi in ka hing gel hi.

Johan in Patmos tuilaisie gam a kihilna amu lai in, Hagau in a um a, Van a puitou in a um chi imu hi. *Kihilna 5:1* ah, Mangtoupah tung a toupa zietlam ah, a sung lam leh a pulam a kigieli chiemtena sagi a ki chiemte laibuziel Johan in amu thu i sim uhi. Vansawltah hattah khat, aw ngaitah a kikou in, *“Koi ahiei laibuziel khu hong a tua chiemtena phel taah”*, chi a kikou ahi thu zong imu hi. Tam laibu ziel khu bang chi bang laibu ata diei? Tualeh, bang chibang a kichiemte hi ding a diei chi i en ding uhi.

Eden huon ah mihing masate ama ua eitelna ngei in khelna ah ana puo ua, tuachi'n Pasian in sun leh zan khawllou a hun chinteng a akithuohpi zing zel pen, Eden huon a um thei talou in, lei hamse dong ina luota uhi. Tuachi'n, Pasian in ama thu awilou leh adan thupieh bawsetu mihing khu, shina in atung a vaihawmsah in

Eden huon a hinna sing phung a hing zot theikia nawn louna ding un, Eden huon suolam ah hinna sing kung zotna lampi veng dingin *Cherubimte leh meikuong namsau kihei kawikawi thei* a koita hi (*Gen. 3:24*). Tam bang in Pasian dan bawsiet khu sietna huoisetah leh chizathuoi tah ahidan imu thei hi.

Tuachi'n hun chin a Pasian toh kithuoh zing mihing pen, Pasian apat khenkhieh hing hita in, Pasian toh kithuohkha thei nawnlou ahing suohta hi. Tuabang kizopna kitansa zopkia theina ding in Pasian silbawltheina chilou sil dang bangma um thei nawnlou ahing hita hi. Tambang a mihing in Pasian anaikia theilou na ding a Eden huon venbit a umta, Cherubimte leh meikuong namsau kihei kawikawi thei kikoi khu chiemtena sagi, Pasian number a chiemte ahita hi. Tuachin Vansawltah hattah leh awngaitah

a kikou in, koi e tua chiemtena phel a hong thei ding achilai in, Johan in Vantung, leitung leh leinuoi tanpha in tua chiemtena phel a hong thei ding mi a sui a amuzou sih hi. Pasion leh mihing kizopna tanta sa zomkia thei ding a chitna nei koima a um sih china ahing hita hi. Tuatah in Johan in, *'haka in kakap ta'* achi hi (Kih. 5:4). Tambang a mihing in Pasion kithuohpi thei nawn talou ahizieh a Johan kana khu, ama mai mai kana hilou in, lei mihing zousiete kana ana hizaw ta hi. Pasion dan thupieh bawsiet khu a chizathuoi dan a huoise mama mai hi.

Tuabang a beidong leh chimawtah a Johan a ka lai in, thawmging lam dang tahmai a za ta a, tuami aw khu, *"Kapsin, envawi, Juda nam humpibahnei, David zungpi in tua laibuziel hong ding leh tua chiemtena sagite phel dingin a guolzouta hi"*, chi khu ahi (Kih. 5:5). Johan a ding a akipahhuoi ding dan a lamdang in a chituom mama mai ding hi. Pasion leh mihing kikal a kimelmana lientah um na tung a koima in lemna thu agen thei nawnlou lai in, lei leh van a Mangpen vantung miten sun leh zan a apahtawi chimlou uh, *'a siengthou hi, a siengthou hi'*, chi a apahtawi zing uh Belamnou (*Pasion Tapa*) in, lei mihing khelna

zieh a puota sate hundam kia ding in, a Pasion na koikhie in lei mihing a piending ahing telzawta hi. Tam bang dan khu Van in Khristmas ana man masah dan ahing hita hi.

Johan in tua khu a en zing a, tua laibu alah laitah in, silhing lite leh Upa sawmni leh li te khu Belamnou masang ah abohkhup ua, kaiging khat chiet leh gimnamtui a dim Sana hengkuong khat a tawi chiet ua, latha sa in, *"Nang pen laibu ziel la a tua chiemtenate phel taah nahi; aziehpem tha in na um a, Pasion a dingin chichin, hamchin, michin, namchin lah a kipat koute na sisan in na hing tan ta hi. Tualeh, i Pasion ua dingin leengte leh siempute in na hing siemta hi, tualeh leitung ah vaai i hawm ding uhi"*, achi uhi (Kih. 5:9-10).

Tuate banah, Johan in a et leh, Mangtoupaha leh silhingte leh Upate kimkot ah Vansawltah tampite aw aza ta a, atam dan uh pen tulsawm mun tulsawm leh a tul a tul tampi ahi uhi. Amauten awngaitah in, *"Tha a um Belamnou khu, thuneinate, hausatnate, pilnate, thahatna te, pahawinate, thupinate leh guoljawlnate tang taah ahi"*, achi uhi (t. 12). Van miten, leimihing khelna a puasa leh Pasion apat vahmangtate suikhie a, tatna

mantam tah bawl ding a hing kipie Belamnou kipiehna thupi leh zatathuoisa a, latha umze neitahtah te a sah dante uh ingaituo chiengin, tuni hun a eiten lamdang leh thupi sa zou nawn talou a, khovel mite etdan bang maimai a Khristmas en a, i man khah ding zauhuoi isa mama mai uhi.

Tamte ban ah, Kihilna 8:1 i etkia leh, sil lamdang mama khat imu thei kia uh khu, Belamnou in tua chiemtena sagina aphellaitah in, naikal kimkhat sung Van a sip dide hi. Achil lam a Belamnou kipiehna thupisa a latha sa zuazua ten, tu in lamdang sa sengseng in a hamhai ua, gen ding leh sah ding thei zoulou in, chiza sengseng in a sip dede uh hiding dan in akilang thei hi. Tambang a Khristmas hing siemkhetu Belamnou kipiehna thupidan leh zatat ahuoidan theisiem in, eiten zong lungsimtha leh ngaituona tha toh i mang zaw ding uhi. Lei mihingte khelna apat tankhe ding a, gan kuong leh sing hamsethuoh hing telpa Pasion Belamnou, Jesu Khrist hing kipiehna atha tah in ingaisun tha ding ua, eite zong khovel a ding a kipie a, i hun leh nite, ineisa sil manphate leh ihinna mama zong laankhe dingin ikisa ding uhi.

Van miten lamdang satah a sipdide a a et uh Belamnou, Bethlehem gan annkuong a siel a um khu Van miten hingzui suh in ahing haliem suh ua, gam lah a belum ching a um belampute kung ah, Vansawlsieng in, *“Zausih un len ngai un, michin a dingin thuhoi kipahhuoi mama ka hing puoh hi. Aziehpén tuni’n nou a dingin David khuo ah hundampa a piengta hi. Ama Khrist Mangpa ahi. Tualeh tami nou a dingin chiemtena ahi ding hi; naungeh puon a tuom, gan annpiehna kuong a lum namu ding uhi”*, chi in ahing gen hi (Luk 2:10-12). Tuachi’n Van in hengla tahmai a ahahliem uh, dahkal kimkhat sung sipdede a asuun uh khu Bethlehem ah ahing piengta hi.

Laphuohtu **Isaac watt** in, *“Van nei nuom un Mangpa hing pei, Lei in dawn ven na Mang; Lungsim kotkhah honpieh un len, Van in Ama phat hen (2vei); Van leh sil siem zousien phat hen.ana chi khu ahing hita hi (Labupi No. 45). Tuachin lei mihingte lutthei nawn tahlouna, Cherubimte leh meikuong namsau kihei kawikawi thei in a ven, Vanmun lut theina kot a hing kihong kiata hi. Laphuohtu minthang dang khat **Pu Patea** la phuoh in, *Guol hing jawl dingin, Van khuo in vai**

ahawm Eden kot khah kihong kia ta, lut un Zion khuo a vah ta, chi a ana gen khu ahing dih mama zel ta hi. Tambang a Belamnou (Pasian Tapa) in gan annkuong a hing tel tah in, lei leh Van kilemlou khu ahing kilemta hi. Van khu hing kumkhesuh in, lei zong khu akahtou a, tua gankuong leh sing khros tungtawn in Pasian leh mihingte hing kilem in, pumkhat in ihing um theikiata china ahing hita hi. Thupi in manpha hina mai zen e, Halleluiah!

Van mipite lapawl sah, *“Tung nung pen ah Pasian thupi ta hen len, Leitung a akipahpi mihingte lah ah lemthu leng hen”, (Lk. 2:14)* chi khu i thutawpna dingin i ngaituokhawm lai ding uhi. Lemna a um theina dingin mihingte’n, kithupisah hetlou leh kingainiem tah a Pasian maimai thupina ipieh ding uh ahi. Pasian

in thupina a tanna mun pouma ah lemna a um zel chi i theitha kia ding uhi. Eima maimai hoi leh dih kisahna a idim chiengun, kihuoatna, kingeilouna, leh kilangbawlina in i dim zaw zel ua, lemna thu a leeng thei ngai sih hi. Tami Khristmas hun ah, lungsim kingaingingiem tah in, midangte toh kilemthei ding in, i lungsim putdan, iham dan leh igamtat dan te i enpha chiet ding uhi. Akizom thei kia ding a, kilawm lou, lei leh Van kizom thei kiana ding in Pasian tapa in gan annkuong a hing tel ta hi. Tuachiin Pasian itna thuh dan **Pu Kamlala** in la in ana bawl a,

Aw hing hil in tuibang thuh dan, Gan annkuong leh singhamsie thuoh; Van Mang lukhu toh akizop, Lei Eden leh Salem tha. chi in, (Lathabu No. 34). Mangpa’n simtute zousie hing guojawlta hen.

Khristmas leh Kum tha man nuom chiet va ui



Christmas message

HING PIENG DING (JESU) LEMNA KUMPIPA/LENGPA TUNGTION IN LEITUNG AH LEMTHU LENGTA HEN (Luk 2;14).

Rev. Dr. Hangpi Manlun

Thupatna.

Awle u-le-nau, lawm-le-gual leh nu-le-pate aw Pa Pasion mapuina leh venbitna jieh a, tukum-2022 Khrismas melmu thei ding leh lamdawnthei ding a iumtah man in Pasion min iphat masa uhi. Tutung in ithupi ding un, 'Lem thu lengta hen' chi tungton in ikikum ding uhi. Tualeh lemna, muonna leh hamuonna chi khu greek ham in 'eirene' a chi uhi. Thuhuntha ah 100-veibang atuong hi. Tualeh lemna khu Pasion hina leh mi zie ahi a, ajiephen, 'lemna Pasion' ahijiehin ahi (Rom 15;33; Philippi 4:9). Tualeh ingahla mama uh leh apienni ilawp uh Jesu jong lemna Mangpa (Prince of peace), ahi.

2). Awleh, lemna ipoimawna uh tuomtuomte isuiding uhi:

2.i). Eima-le-eima ikilem masa ding uhi. Awle amasapen in mani-le- mani ikilem masa ding uhi. Khawvel a mijau huaipente ahileh mani-le-mani kilemtheilou, tantawh a lungkimthei lou leh kingaisiete ahi uhi. Amauten mailam ah lametna ding aneilou jiehun, kingaisie in mani-le-mani a kithat ngam uhi. Tuaziehin, eima-le-eima iklem theina ding un ilungtang sung ah lemna kumpipa (Jesu) piengsah va-ui,

2.ii). I nupa kal ah lemthu lengta hen. Tulai nu-le-pa tamtahte khu ikingailai un, kilungsiet sengseng kisa in "love is blind" itna a mittaw chin imizie leh ihinate jong kitheiman lou jen in ikteng paipai uhi. Ahin ikitentah chieng un itna

mittaw khu hing hah kelkulin, ka gintat na bang sih chite in ikinua hauthei leng uhi. A khente ngel lah ikingai lai un kilungsiet sengseng kisa a, nu-le-pa leh hattuom dan nangawn ngahlou jen a kigupawl jong itam uhi. Tulai ji-le-pasal kikal a kilemlouna umsahute khu, thangsietna jiehte, kiginlelna jiehte, tanding bang kipiehlouna jiehte, sum-le-pai jiehte, leh adangdang jiehte in nupa kal ah kilemlouna apieng nuom mama hi. Tambang nupa hinkhuo nuom loutah a jang mite kung ah lemthu lengta hen chia van angelte lasah khu atahtah in hing tangtungta hen aw.

2.iii). Innkuon sung ah lemthu lengta hen. Tulai Khristian innkuon tampite khu melmapa setan nnasep jieh a kituohlou tamtah jong iumthei uhi. A khente kituohlouna jiehte

khamthei drugs, sum-le-pai, zu-le-sate ban ah teh-le-mou kituohlou, pa leh ta kituohlou chite in ipumdimita uhi. Tambang a hamsatna tuoh innkuonte kung ah Mangpan lemthu lengta hen ang chi hi. Tuaziehin, khristian innkuon kichite Jesu hing pienni khu bangchin ilawm ding uoi le?

2.iv). Inn sah innhangte kikal ah lemthu lengta hen. Tulai innte kinai deudeu ahin ilungsimte uh akigamla deudeu abangta hi. Tuaban ah, duamna leh mani masielnate jieh in innsah innhangte mun-le-muol kitu in kituohlouna hinkhuo ah ilutta uhi. A khente ngelin lah innkim inn pamte mun-le-muolte lahsah lah abeisih hi. A diehin, Lamka khuopi ah ihawhtuite un jong aluonna ding nangawn theilou khop iumta uhi. Ahin, upaten, migam kehsahute khu a luong uh tatna ding tan a kehchieng un aluong un asap (ashilaw uh) akichi hi. Thupilin, “Na unau na pienpi mun gamla tah aum sang in na inn geite khu nang ading na sanggamte ahi” achi hi. A gen dih mama hi, nop leh da tuohta lei jong iunau mun gamlapi aumte sang in i innsah innhangte khu eite hing delmasa pen dingte uh ahi. Tuaziehin, nidanglai ipi, iputen innsah innhangte toh kituohlou sangin khuo sagi dou ding ateljaw uhi. Tualeh Bible in min natung a abawlding na dei bang uh mitung ah bawl un achilai in, eiten eitung a min ang bawl ding ideiloute uh mitung ah ibawlsawm leng uhi. (Mattiu 7;12).

2.v). Hattuom sung ah lemthu lengta hen. Awle, hattuom khu Mangpa Jesun asisan manpha toh ang leisa leh ang tundingte ihi uhi. Tuaziehin, tahsa a kipawlkhawmna maimai ahishi a, hagama lam kipawlkhawmna mun ahilam imanghil sih ding uhi. Tuabanah, hattuom khat a umte khu akituohpente kihilouin, akituohlou teng umkhawm hilei akilawmta hi. A jieh ahileh ikituohdan uh toh et in. Adiehin kum 2000 tunglam ah koi hattuom chin teng ah kikhenna leh kituohlouna ang ha um mama hi. Melmapa setan ngei in jong hattuom chinteng kituohatah a Manggam nna isepding uh a thangsie ahingei ding a, hattuom lien leh neute lah ah jong kituohlouna ang nasa mama hi.

Tualeh hattuom sung a kituohlouna jiehte uh ahileh, lamkai kituna jiehte, mani thulou thusahlounate, be-le-phung a kihui tuomnate, lawm-le-pai akihui tuomnate, leh adangdangte jieh ahinuom mama hi. Tambang a suol nnasepnate topsan in ihattuom sungte uah lemna leh muonna hing tungta hen.

2.vi). I khotang leh igam vaihawmrate ah lemthu lengta hen. Tulai ikhotang leh igam vaihawmrate ah nasatahin kituohlouna a nasa mama hi. Banah, itenna gam ah lemna leh muonna nasatahin ipoimaw uhi. Tuaban ah, eite khu kawle-le-vaite bang in chi-le-nam kikhenna nei sih nanlei jong mihausa leh a jongte kikal ah nasatahin kidaidan alien

deudeu hi. Tualeh isum suina ua itenate/buhnate uh adih tahtah nai? Bible in “Tena dihrou khu Mangpa mitmu in sil kidah huai tah ahi a, adih khu akipahpi hi” achi hi. (Proverb 11:11). Tualeh migentheite satan leh neh dingte jong a tang ding a kilawnten atang na uai le?. Tuabanah, vaihawmtute, milien milal leh thuneite khun ivaihawmnate uah thudih thuman toh ivaihawm na uoi le? I Bible in “Vaihawmna dih lui bang in luongta hen, dihna khu luipi kang ngailou bang in luongta hen” (Amos 5:24) achi khu igam tahsap khat hi leh akilawmta hi.

3). Atopna ding in lemna leh muonna igam ua atuntheina ding in pan ilachiet ding uhi. Awle, atomkim in genta lei. i innsungte uh, ikhotang uh i politicte uh ichidam tahtah sih a, asudamtheipa ikultah jet un ipoimaw chiet uhi. I gensa bang un igam ua lemna-le-muonna umtheina dingin

koi e Israelte leh Pasion kikal a palai nna sem Abraham bang igam in ipoimaw tahzet hi. Tualeh Scotland gam a halhana tunna ding a, John Knox in, “Mangpa Scotland gam hing pie in, ahisih leh ka hinna la in” chi a thum bang a thum mi ikul un ipoimaw uhi.

Tualeh Mangpa Jesu amutahtahte khun mite toh akilem ding uhi. Azieh ahileh Mangpa Jesu sung ah lemna leh muonna bukim aum hi. I Bible uah Pilat leh Herodte khu Jesu mansah ding a, akipieh tuohtuoh na lam uah atopin ang kihoutheita mawh uhi. (Luk 23:12). Alamdang mama khat ahileh amaute gel apientha thu uh imusih ua, ahin Jesu lemna kumpipa akipiehtuo tuona lam uah ang kihoutheita mawh uhi. Tuazehin, tutung in Mangpa Jesu hing pienna ding ilopna ding toh kituohin ihinkhuo leh igam ilei ah lemna leh muonna hingtungta hen!!!

FOOTBALL APAT KHRISTIAN HINKHUO A KIJIL DINGTE

- Rev. Lamsuanthang

1). Thumapui

Football pehsiam chu kana hi sih a, ahin ka thei kha apat in football peh World Cup, EURO, English Premier League chi vel kana en ut mama mai hi. Nidanglaiin, Ka khuo uh T. Khazang apat Km 8-ding vel jaan nuai ah lampi jot in World Cup en ding in kana pei kha jel hi, (kou khua ah electric tunglou, TV zong a umlou jie in. A dieh in tam kum 4- dan jel a um football pehpen khu et ut ahuoi deu dieh hi. Ei Lamka sung ngei ah zong electric meivah bang chih tan a lungtung ngai vevaw lou hi nan leh tam World Cup sung teng in pen a dan dan ahing um deu hi. Team (Gam) a joudinga I gintat mama te hing guollel in guollel dinga gintat mama te gintat loupi in hing hat mama jel chi bang um hi. A kipehte hi in ei a en tu mai mai te zong khu

guoljou lam ki ut mama mai hi.

I Khristian hinkhuo ngei zong aw nichin a isil tuoh, siltungte, toh tekha ana hi jel hi. Sawltah Paul in Boxing (II Tim. 2:3), tai Kidem (running), Innlam/Innsah (Building) (I Kor 3:10) leh Nichin kizahna khantouna (Warfare) (II Tim 2:3)- te toh an ate kah hi. Khristian leitunga teng lai I hi jieh in tam leitung silte toh kikhen hamsa mama ding hi. Paul in tam leitung silte toh ki khenna dinga leitunga um lou ngai ding ahi ana chi hi (I Kor. 5:10). Nichin a ginglou Pasion thei loute toh I kigop ngai a I um khawm ngai a I kimawl khawm ngai hi. A hin bang I bawl a bang isep chi pen a thupi ahi sih a, a thupi pen khu heisung hei mun ah I um jong in Khrist a dinga theipitu (witness) ihi gige ua Leitung Vah (light of the world) Khantanhoi thu pawtu midangte et tawn thei dinga I umding uh ahi (Matt. 5:14-16). Tuazieh in sil khat pou pou ah World Cup hun, Euro hun, ahi ta in I bawl chin tengah Khristian khu tamchi ahi chi pen I suh lat sawm ding uh I Mangpa Jesu Khrist hing deidan ahi hi.

2). Koi Team ah I pang uai...? Kum 1930 leh 1934 a World Cup kimawl minthang mama Luis Monti tan chin ka sim in ka ngaisut na ah sil tuomtuom a hing lut hi. 1930 World Cup lai in Argentina gam/Team min in football a peh a tua leh 1934 kum in Italy ah ki suon/pem in Italy team

min in World Cup ah football a peh kia hi. Argentina a dinga a peh lai in a lawsam a Italy min a dinga football a peh lai in a law ching a ang guoljou hi.

Tami bang ma in ei Khristian te zong khu amasa lai in guollet team lam ah I um ua guollet Setan team lam ah I kimawl uhi. “Aziehpen eite zong masang lai in, mimote, thumang loute, sola umte, utna gilou leh nopsahna tuomtuom suoh leh sal a na taangte ina hi ua , gilou leh kithangsieta umte, kimuda leh kiensante tualeh khat leh khat kimudatuote ina hi uhi.” (Tit 3:3) chia Laisiengthou in a na gen ma bang in, a

Ahin tu in vang Pasion it na lungsietna jieh in Setan team guollet team hita lou in guoljou team Mangpa Jesu Khrist team ihi jaw ta uhi. Mangpan eite ahing hutdamna khu “Dihtatna nasep eiten ina bawlte zieh hilou in, Ama khotuona dungzui in eite ahing hundamta hi, tua hundamna pen Hagau Siengthou zieh a pienthana a silsiengna leh siemtha kia na zieh ahi.” (Tit 3:5). Tam Tita Laithawn giel pa Sawltah Paul ngei zong guollet lam Setan team ah ana kimawl ngai a Khristian te bawl sie leh bawl genthei dinga Damascus lam juon a suh leh tou a tai lai in Setan team ah apang ahi hi. Ahin Pasion lungsiatna mongbei in amapa hing han doh in tunia eite bang in guoljou team Jesu

Khrist team ah football hing peh kia in hing ki mawl kia hi. (Nasepte 9:1-10). Tamkhu ama pa mama in ahing puong khi hi “Aziehpen Sawltahte lah a aneupen ka hi a, Pasian hattuomte ka bawl genthei ziehin Sawltah chitaah zong ka hi sih hi. Hinanleh, Pasian hepina ziehin ka hina bangbang ka hi. hi ding ka hita, tualeh A hepina hing pieh khu athawn in a um sih hi. Hinanleh amaute zousie sangin ka sem gim zaw hi, hinanleh kei sep ahi sih a, Pasian hepina ka kunga um in asepe ahi zaw hi” (1 Kor. 15:9-10).

Tuni in koi team ihi uoi chi ki-en pha lei ut huai isa mama mai uh hi. Hagau lam hinkhuo ah neutral koima team a pang lou chi a um thei sih a, Kalvary Team na hi lou leh Hell/Meidiil a tengte team/ Setan team na hi ding hi. Kalvary team hi thei na dinga I Mangpan thuhun a hun te en tha in ei leh ei a tha in ki en tha lei ut huai mama mai hi.

3). Manager/Coach hoi pen pen neite ihi uh

Cricket khu India ah akingaisang mama a tam kimawl na Cricket ah team Captain in sil bangkim a teamte hat leh hat lou ding ama khut ah akinga phiel hi. Ahin, Football khu Cricket bang loutah in lochin losap ding khu a Maneger/ Coach ah nasa tah in aki nga/ngam kia hi. Football Manager-te vang football field sung ah muthei in a

um sih ua, ahin ateam te ki thutuoh nang, a player-te lah a atalent/asiam na uh um teng teng puoh khiet doh sawm in simjou lou dakkal (hour) tha leh lungtang a seng uhi. A teamte hing guoljou a ahing loching thei na ding in ateam te training na ah, strategies leh team selection tan ah lungsim tam tah seng in a team supporter leh a team ten guoljo na a chep theina ding in pan nasa tah in a la hi. Field a football kipeh tan in jong ama/Coachpa pen poimaw mama mai hi.

Tuni I Mangpa Jesu Khrist bangna Manager hoi khu a um sih hi. A nuajuite background tuam tuam apat han/call doh in ki thutuoh tah leh lungkhat a Gospel leitung pumpi a puongjah thei ding in a siem khie hi. Tam khu sapham ah winning unit diing in a siam khie hi chi thei ahi. Matthiu government nasem a siedong (Pro-Roman Government) (Matt 9:9-13) leh Peter Zealot huham tah a Rome government doupa (Mak 3:18). Lungkhat a Manggam a dinga guoljou thei dinga siem khie I Mangpa Jesu ahi hi. Football kipehna ah tam bang ngaidan kibang lou lungsim kibang lou mite lungkhat a a team a dinga lungkhat a aluon khawm sah thei kei leh a Manager/ Coach-pa khu a losam sa ahi hi. Tunin eite zong manager/Coach hoi mama koi ma gam in a nei ngailou nei I hi uh tuajiah in ipei ding dan aman a hing bawlsah te, igamtat

dingdan aman a hing hildan te dan dan in um lei I Coach loup pa thu manglei I hinkhuo lam I jot na ah I guoljou ngei ngei ding hi. Tualeh, football team te a coachpa uh thu leh bawl dan a aum lou chieng ua losapna a tuoh bang in ei zong ei lam hing hil hing coachpa Jesu Khrist chi dan a um lou a eima mimal deidan a I um uh leh I losam ngei ngei ding hi.

4). Defender (Back) poimaw dan:

Football a guoljaw na ding in goal khum mai mai poimaw hi lou hi. Eima goal lam veng siam mama mai ngai hi. Goal tapi khum in eima goal lam veng siam sih ta lei ei khum teng I lang lam ten hing le kia in a guollel I suoh thei thou thou ding hi. Tambang ma in I leitung hinkhuo ah zong na tam tah isem doh in silpha leh silhoi tapi I bawl doh kha thei hi. Hinan leh eima hinkhuo I innsung, iji /pasal, itate hinkhuo a defender hoi tah ihi lou leh sum bangjat nei in eima thu in bang jata in thupi leizong aw! A topna ah ZERO kisuoh thei mawh hi. I hattuom te uah zong thuhil dihluou tam tah leitung khantou dungjui in a umta hi. Ngaidan dih loutam tah, hattuom khu mimal khat hattuom mai bang a gel a ngaidan nei, Pasian sumpi te jah thang ding, chi leh a tuom tuom lom tat ut na ngaidan/ eima mimal ngaidan Pasian ngaidan hi ding banga vaw mai ngaidan dih lou tapi te khu I Manager pa deidan bang tah a dal ngam a dal/defence

ngai mama mai hi.

5). Pankhawm (Teamwork) poimaw dan

Football team pangkhawm thei lou teamwork siem lou khu a tunga I gen uh ZERO hi ding ahi. Football a guolzaw na dinga poimaw pen pen khu team work/pankhawmna ahi chi lei khiel ding in ka kigingta sih hi. Football a guolzaw thei na ding in mimal kimawl teng teng in amau uh part chiet gin um tah a bawl leh a hatna teng teng uh janga asepa doh uh ngaiding hi. Defenders, midfielders, forwards leh gailngahpa/goalie amau panmun chiet a siamna teng teng uh toh a sep uh ngai ding hi.

Tualeh, i hattuom sung, Nam sung, Innsung, Society sungte ah eite jong team work pankhawm I siam lou jieh un bangjat vei I losam in bangjat vei I guollel ta uai chi ngaisut lei ut huai isa uhi. Football hin ball lou hi leh zong Team Work siam lou khu puana ahi. Pasian a mithum (Trinity) ngeizong khu kituhuoah tah a nnasem khom ahi. Pasian in eite a hing teeldoh a, Tapa in a sisan manpha tah in eite cavalry muol ah hing tan in Hagau Siengthou in a huntah a tam hundamna loup pa tah mai khu pomthei ding in, I hinkhuo ah nna ahingsem a vangam tun tan dong hing pui ding hi. “Thumang ding leh Jesu Khrist sisan the tang dinga Hagau suhsiennga zieh a Pa Pasian theilawhna dungzuia telte kungah, hepina leh lungmuonna

na kung uah suhpungin umta hen.”
(1Pet. 1:2)

Tam teng leh a dang dang te
ahing kigawm khom a tupna lian tah
nei leh chitah na liantah nei a ahing
pan chieng un World Cup football
teamten World Cup a hing dom thei

pan uh ahi eite zong Gamchiem lam
juon a nichin I pei lai un bangkim
bawlthei Yehova Pasion ah ki nga
a ama dei banga gamta a lampi I
jot ngei ngei uh leh I loching tei tei
ding uhi. Tualou in losam sa ZERO
hi ding ihi uhi.

LENG JESU NASEMTU KA HI

*Upa Khaiminlian
Lailam veng*

Mangpa hing pei kia ding lamen zing Hattuom misiengthou simtute zousie i Mangpa Jesu Khrist min in Christmas chibai! Tam a tung a i thupi tahlatah uh khu Phamsa Queen Elizabeth II in kum 90 a chin kum a a kammal ahi (Christ is the King I Serve). 2022 kum bul a i din lai un kumtawp mel ka mu teitei ding a chi ngam a kiumsiah a, Pasion in a hoina zal in ahing tangsah hi. Mangpa ka kipah hi, tu tan chieng na hing pui chi a kipah thu i gen zing lai un i hinkhuo peisa tu kum khatvei ngaituo kia in nua et lei chi ihi. Mangpa kung a tu kum tungtawn Na hing kep chi a kipah thu i gen lai un tu kum Ama lungkimna leh deidan a i sep khah, Ama deidan i zui bangza a um ei..? Ama ding in bang teng i taan ei? Ama ding in bangza vei chitahtah in i thum ei chite ngaituo tha lei dei huoi i sa uhi. Kumtawp chieng Mangpan hing pui a Christmas zang a lawching a i kikoi lai un Mangpan ei hinkhuo a hing et chieng in “Lawching” a hing sa diei chi gel tha vai.

Tu kum September 8, 2022 in Queen Elizabeth II Balmoral Castle, UK ah a muolliem a, September 19, 2022 in vuiliem in a um hi. Ama khu 21st April 1926 a pieng ahia, Lengnu in kum 70 leh ni 214 sung pang hi. Lengnu a a pan sung in khovel gam tuomtuom 32te tung a vaihawm (lengnu) ana hi hi. Kum 1952 in lengnu ding in lenglukhu khuhsah in a um a, lenglukhu a khuh masang in a

mipite kung ah, “Mangpa min a kichiemna nei ding ka hi zieh in ka mawpuohnate pilna leh hatna toh ka sepsuo a, ginumtah a i Mangpa leh noute nna ka damsung a ka sep zouna ding in hing thumpi un” a chi hi.

Elizabeth II in Christmas tun kuon chieng in Christmas thupuoh (message) gen gige hi. Kum 90 a chin kum in “Ka ita ka mipite aw, kei na lengnu uh na hing

chi ua, adih hi. Hinanleh kei Leng Jesu Khrist nasem ka hia, Ama khu ka Lengpa ahi. Kei lengnu khu Leng Khrist suohnu leh nasemtu ka hi, ken Ama muonhuoina ka mu in ka theichien hi” a chi hi.

Queen Elizabeth II khu 1952 a lengnu ding a puonkhiet a a um lai in lenglukhu, khi, sana, lengpuon leh adangdang toh zep ahia, lenglukhu a khuh zou toh kituoh in Bible khat pieh ahi (Tam khun Bible khu leitung a sil manpha penpen ahi chi etsahna a a nukhiapen a pieh ahi). September 19, 2022 a Arch Bishop in a vuina anei hun in, Tu in tam khovel a a thuneina etsahna

teng a hankuong apat i lakhe sieng ding uhi. I Sanggamnu uh Elizabeth khu Khristian ahi bang in han ah i koikhe ding uhi” chi hi. A vuitu in ‘Lengnu’ chi thumal zang lou in, Sanggamnu Elizabeth a chi a, ama thupieh bang in a lenglukhute, sansate leh a dangdangte lahkhiet bei ahi zaw in vuiliem in um hi. Khovel pumpi in U.K. lengnu chi a a thei leh chiemte uh Queen Elizabeth II in kei khu Leng Jesu Khrist nasemtu ka hi bou hi, a suohnu ka hi chi a i Mangpa Jesu Khrist a pahtawi dan khu tu kum i Khristmas lungsim leh lungput hileh i chi uhi.

HUNDAMPA HING PIENGTA

- Upa P. Khamminpau
S. Vengnuam, ZPCS.

Aziehpan tu nin nou a ding in David khuo ah Hundampa apiengta ama Khrist Mangpa ahi. Luk 2:11 pansanin houlimkhawm lei ichi uhi. Pei jel in mualkhum zel hun leh nite kum leh ha hing kiheijel in noplainite lenmuol khum jel in kumbul leh habul a i umlai in hasawm leh ha khat na tan chieng tan ma hingpui tung pa i Bieh Mangpan thupina tang hen.

Mihing hina dol a chinlouna leh gelkhiel leh sutkhiel a um leh simtu ten Pasian min in hingngai dam dingin na ngaidamna uh ka hing ngen masa hi. Awle unaute atung a ithupi a itangtel uh, Belamputen thuza chi ahi.

Belampute umdan leh gamtatdan saulou houlimkhawm vai.

1. Belampute dinmun ahileh laisiemlou leh mimawl mamate

ahi uhi. Koima umna zong phoh phaban lou leh mite thei phahlou zong ana hi uhi. Mihausa leh Ji leh ta vah in gamnuoi a azu leh hamsate thuoh in khosa in a um zing uhi. Sun leh zan umlou in Belamte chingden in thuthah thu lamdang um leh zong zaphalou in moltah in hinkhuo amang den kei uhi.

2. Belamputen thu zah khat nei

uhi. Tua athuzah uh ahileh Jesu Khrist hing pien ding thu ana za masa uhi. Tuachin Manpa Vansawlsieng in akung uah zaousih unlen ngai un michin a dingin thuhoi mama kahing puoh hi. (Luk. 2:10 chi hi. Ajawng ahau a teh akhang aneu alien apil asiem a mawl leh namchin chichin a ding in thuhoi ka hing puoh chi thupen Belampute zahsah leh theisah in um hi.

3. Mimawl leh mi dinmun ngiemte leh mite theiphah loute, thuzah uh thuna mai hilou hi. Belamputen abelam chinna uah bangzatah in gim leh tawl hahsatna tampi nathuoh de aw chi ang ngaituosah hi. Belampute din hi ama ang sung ding kia himailou in a changchieng in a belamte a etkol ding thamlou in aganta neitu apupa mai zong avil ngai hi. Sukhiel in bawlkhiel in um lou louna khat neita uleh apupan athaman zong pelou nalai ding hi. Tua ahimanin hattuom sung ah chingtu leh kemtu hinajal in bang thu iza in bang thu imudoh uoi chi ngaitua huoi hi.
4. Vansawltah in Belampute theisiemna ding in ahem gen sih a atheisiem na ding in chiengtah in Bethlehem ahidan agen hi. Belampu ten tu in Bethlehem khuo ah vapei vai in Mangpan thu ahing hil hingtung khu iva en ding uh akichi uhi (Luk 2:15).
5. Belampu ten athuzah uh khuo

zuon uh Belampu ten a thuzah uh um na a zot na dingin khovel sil bangma in kisubuoilou kei in apei vengveng uhi. Unaute aw tamnah Belampute ginumdan leh kukal dan ettontah kasa hi. Khovel ah muthei leh etnop tampite leh ei hing subuoilou thei etlahna lungsim ngaituona te nuasie ding ipai ding tampi um hi.

6. Simon Johan tapa tamte sang in kei nang it zaw ei achi hi ing e Mangpan kang it chi na thei hi achi Ka belamte ching in achi hi (Johan 21:16). I Mangpa Jesu leh Simon kihouna thu ah Simon tamte sang in kei nang it zaw ei achi hi khovel ah i duh leh i ngai Jesu sang a itel ding sum leh pai hausatna neh leh don Jesu sang a itel zaw ding tampi um hi. Tua ahiman in tamte sang in Simon Johan tapa nang it zaw ei chi in ngaina tahin houpi hi.
7. Belam tanchin saulou sut zuol ni
 1. Belamte pui ngai
 2. Kep ngai
 3. Vah ngai
 4. Chin ngai

Ka belamte ching in len kem in len vah in bang chikep ding chi apupan sun leh zan in abelamte ding in a manding in apoimaw bang e chi ngaisut sut mai hi. Ann hoina mun ah vah sahngai a, tua leh tuitamna mun a zong puijel angai. Aman loudawn dipdepna munte ah, kei ahing lumsah a tui veisip dide gei

ah ahing puijel hi Late 23:2 ana chi. Zou Synod huongsung ah Upate leh Pastorte Session vaihawmna ah thudih leh thutah in vai ihawm na uoi, sangkhat sangni pou in minsia kizuoh leh kilei chite leh Sihnei leh langnei na lungsim nei nonlou in thutah in vaihawmna ni hang. Belampute khosahdan leh dinmun igenta ua mite theiphahlou leh mawltah mai ahinkhuo zang a a umlai un thakhat in Pasian thupina in akim uh atanvah a zausih un chi thu a japai uhi (Luk. 2:9. Mihing in chitna leh theina neilou ihiman in leh mi nammawlte leh nam tuontuol ihilai man in Pasian gam vaihawmna leh Pasian gam nna isiepnate leh Pasian lungtunna leh Jesu mittuhna nei in chia Hebrew 12:3 na in achi mangbang leh ginumtah in na sem in kalsuon talei ichi uhi. Lemna mang ahing piengta ahiman in ihoilouna leh ichtlounate tungtawn in Pasian toh kilem in kalsuon in vaihawmna vai Hattuumte leh pawlpite tung a vaihawm leh enkoltute ihiman un i etkol te tung ah bangthu iza in bang thu imu khia ei mite ding in kipahna ihina uoi ama a va mutah in, tam naungehtung tang thu ama uh kihilkhu agenthang ta uhi Luk 2:17 ah na chi hi ithuzah leh imu te mite ding in neh thei leh mite ding a kipahna, mite ding in suotatna, mutheiloute ding a mutheina zatheiloute ding a zahna tuntute ihi uh angai ta hi. Mite thuzah leh mite thumudan leh mipolte khandan leh miten sum leh pai a haudan leh ei sum a gen tam nalai ihichieng in i

thuzahthe leh ithuzilte uh mite nehthei ding leh mite thei tham ding in thuzil tuten panlatha vau.

Thukhumsin: Ngaiwawi Mangpa Pasian in nite hing tung ding ahita, gam sung ah kielna ka tungsah ding andu a kielna zong hilou in tuidu a kielna zong hilou in hinanleh Mangpa thu zahna lunggulna lam a kielna ahiding hi guolnei Amos 8:11 ah ana chi Pasian thu a kielna pen i zou sung ah tung petma hi unau kingaitua ni. Guolnei Amos thumudan ah Pasian in Israelte mite tungah thukhenna ahilou leh gotna tungsah ding kahi ana chi hi. Ama akikou khia a vaihawmna dih khu luita bang in luong heh Israelte thumanlou leh khelna ziehin Pasian vaihawmna leh gotna ding a mumasa hi. Amos tanchin hi itheisa mabang un ganchingmi khat zong ahi chi ithei hi. Pasian lungtunlouna pawlpi ihi khah uleh i pawlsung a kiel tung thei talua ahi chi manghil sih vai. Amos in thu dih a vaihawm a ang tangkou chieng in Israeltate a suohta un sun te Mangpan alungsiet pan hi tuachi mabang in eizong Upate leh Pastorte thudih thutah tah vaihawm a thumna toh pan ilah sih leh i mi, isate suohta zoulou ding uhi. Upate Pastorte thumzong thum peinon lou Devotion zong kipei ngap nonlou Bible zong sim pei non lou T.V en-en mai News paper toh buoipi maita biehpiehna ding zong ngaisah zounon lou kihita mai hi unau kingaitua in kisiemtha ta in Khristmas zangnop chiet ding in Pasian in simtute zousie thupha hing pia in hing guoljawlta hen, Amen.



Upa Suanzachin

Upa Suanzachin khu Pa (L) Vialkhopau leh Pi (L) Neizaching te gil a ga goutan 8 te lah a, a tum pen ding in 1970 kum in Tonglon Tuijang ah a pieng hi. Kum 1990 in a ji it Nu Hatniang toh kiteng in, tua kum ma in Pastor Nengzatun khut ah pindan in ana kiteng uhi. Kum 2004 in Singngat khuo ah hing pemlut in, ZPCS hattuum sung ah sunglut tah in itna toh na hing sem a, a sep a bawl hattuum mipiten muong mama in kum 2013 kum in Hattuum Upa ding in kitel ching ahia, ZTP Session 2013 in Presbyterian Church of India, Muollum ah Moderator Upa Gouchinthang khut ah Ordination ana tang hi. Belampu ahina bang tah a sem in a dam liei nahleh a belamte it in ve zing hi. Zou Presbyterian Church Synod in Belampu it huoi mama khat kitaan ahina ah i ngai un i suun mama ua, i suun thu i phuong hi.

A pianpi a sanggamte:

- | | | |
|---------------------|-----|----------------|
| 1. Luankhodim | w/o | Khualkhen |
| 2. Ningngaihdon | w/o | Khakhai |
| 3. Daikhanniang | w/o | Upa Thangzadal |
| 4. Rev. Awnkhankhup | h/o | Mangkhannian |
| 5. Ginzathang | h/o | Mangkhanvung |
| 6. Ningnuamching | w/o | Thangsuanpau |
| 7. Zamdoupau | h/o | Hoihching |

Atate:

1. Paulamthang h/o Vungdeimuanching
2. Mangbiaklal
3. Donngaihching w/o Lamminlian

Atute:

1. Chingouhau s/o Paulamthang
2. Lalmilian s/o Paulamthang
3. Hoihmuanniang d/o Donngaihching
4. Niangnunhoih d/o Donngaihching

KHRISTIAN TANGKOU ZPYF COLUMN

Pasian mapuina tangin ZPYF in ma kisawn zel in, ma hing puitu i Pasian min i phat masah uhi. I maban ah 66th ZPYF General Conference khu ahing tung ding date 19th – 22nd January, 2023 chieng a lam en kawm in kisa va ui in, i thumna uah thei zing va ui.

Competition Prize Sponsor hing bawlsah zousie tung ah lungdam thu i gen uhi. Amaute Prize leh Khawmpi kisingsahna nahpita in ang panpi zieh un zong amaute tung leh Pasian kung nuomthu i tut uhi. Tambanga a kiphalnate uh Pasian in ale tampi in phungvuah in Guolzawl zingta hen chi deisahna leh i thumna u ahi.

Pasian hoina leh mapuina kitang tou zel in ZPYF in Halflong, Fiangpui ah Youth Camp va ki uap thei a, tuanah a Themes in “Youth and Witness” chi kizang in Incharge Rev. Dr. Hangpi Manlun, Executive Secretary, Z-PCS in atawp nitah in Sermon na nei hi. Ama’n agenna a Youth and Witness hi theina ding in Cultural and Custom Subei mailou a, i culture leh Custom toh Pasian a dingin Khanglaite witness hi khawm ding ahi, chi thupi a zang in sermon nei hi.

Dated 23rd – 24th November, 2022 in NEICCYA, Youth Fest, khu Union Christian College (UCC) Uniam Khwan (Barapani) Ribhoi District, Meghalaya a um in tuanah delegate mi 4 hing kingetna pen ZPYF in Lemtang lou leh buoina tuomtuom ziehin PYF Shillongte mi 4 delegate dingin hing na sawlsa un chia ikingetna hoitah leh thumang tah a va kuon ua, thamlou in delegates a va kuonte tung leh PYF Shillong te lungdam thu i gen uhi. Amaute et ton tah mama uhi. Pasian Gam nasepna a gel in TE/DA la lou ding ka hi uh achi ngamna tung uah zong lungdam thu i gen sawnsawn uh. Khanglai Pasian ah ding a kalsuon ngam leh kiphal thei zing PYF Shillong Mangpa’n umpi zing hen chi zong i thumna uh ahi.

Tuaban ah 66th ZPYF General Conference ah Prize sponsor thei ding thum um nalai a, koipou kiphalna nei leh Lungsimah phutna neite ding in kothong zing ahi chi i ki theisah sawnsawn uhi. Tuate khu :-

- 1. Bible Choreography 2nd prize Rs. 10,000/-
- 2. Skit/Drama 2nd Prize..... Rs. 10,000/-
- 3. Competition Booklet..... Rs. 10,000/-

Tam teng um nalai ah, Hattuum mite leh khanglai kiphalna nei ten hing suhdimpi ding in i kingen sawnsawn uhi.

ZPYF in malam a sawn zing theina ding in panlah khawm chiet va ui.



Nh. T. Naomi Goulianaching
Youth Co-ordinator, ZPYF



ZPWF Column:

**NOVEMBER, 2022 ha sung a
TUNNU LIMBEL panpi na pete :**

- 1. Upa P.K Soia, Tuining Rs. 400/-
- 2. PWF P. Salem, Anntang tang Rs. 1400/-
- 3. Kaplianmang, Central Church Rs. 1000/-
- 4. P. Church , Tuining
 - i. Rev. Mangmuanthang* Rs. 50/-
 - ii. Pi Chingbawi* Rs.150/-
 - iii. Pa Pauliankhup* Rs. 200/-
 - iv. Upa Ginsuankhai* Rs.200/-
 - v. Pi Engzaching* Rs. 50/-
 - vi. Pa Lianchinthang* Rs. 50/-
 - vii. Nu Hauching* Rs. 20/-
 - viii. Upa H. T. Manga* Rs. 50/-
- 5. Upa Gouzamang, Central Church Rs. 2000/-
- 6. Manneihat , Central Church Rs. 1000/-

- | | |
|--|------------|
| 7. Donneiching, Central Church | Rs. 500/- |
| 8. Nousuanching, Central Church | Rs. 500/- |
| 9. Chingzaniang, Zomi Colony | Rs. 1000/- |
| 10. Julie Lamneu, Awnchinkap Khuo | Rs. 2000/- |
| 11. Jouboi, Imphal | Rs. 500/- |
| 12. PWF Shillong , Anntang tang | Rs. 4000/- |
| 13. Upa Thangchinhang , Behiangjang | Rs. 1500/- |
| 14. Lalrinmawi , Delhi | Rs. 1000/- |
| 15. PWF Lailam Veng Rs. 5000/- (Singpi leh Nethei toh) | |
| 16. Chiinmuankim, Central Church Rs. 3000/- | |
| 17. Manngailian, Delhi | Rs. 500/- |
| 18. PWF Behiangjang, Anntang Kg. 50 | |
| 19. PWF New zoveng, Anntang Kg. 92 | |
| 20. PWF Bohlui, Anntang Kg. 48 | |
| 21. PWF Muollum, Anntang Kg. 120 | |
| 22. PWF Zomi Colony, Anntang Kg. 110 | |
| 23. PWF N. Khaukual Anntang Kg. 50 | |
| 24. Nu Nianching, Lailam Veng- Annkam Lom 3 | |
| 25. Nu Vahkholihng, Lailam Veng - Puonnah Piece 11 | |
| 26. Biblical Baptist Church , Thingkangphai - Alu bag khat, Anntang bag khat , Chi kg. 5 leh Chini Kg. 1 | |
| 27. PWF Thingkangphai, Anntang Kg. 93 | |
| 28. PWF Chennai, Christmas Gift - Hot & Cold Water Dispenser | |
| 29. Jakob Suankhanlian & Family , Lailam veng - Tuilum awmna, Theitui leh nethei | |

Petu zousie Mangpa'n hing guolzawl taken.

NOTE : Adih lou Khate Office a suhdih theizing ahi.

Sd/-

Nh. Manmuanching

Secretary for Women's Relation, ZPWF

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalthang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzacin	022. Rev. H. Nengzaton	023. Rev. Awnkhanhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhotawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuanpau
037. Pi Zekhochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Pu Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Pu Kaizathang	060. Pi Goizanuom
061. Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Soia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkholhing
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanpau
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. (L) Rev. Mangsuanthang	115. (L) Pu Lamchinhou	116. Upa Pauchinlei
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. P/P Suanglianpau
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhanneing	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkohau	010. (L) Pu Khamkohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P. O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
